



Tuzla, Rudarska br. 65; Tel./fax: +387 35 369 401; web site: [www.vladatk.kim.ba](http://www.vladatk.kim.ba)

Broj : 15/1-05-009170-1/16

Dana, 27.04.2016.godine

Na osnovu člana 70. Zakona o javnim nabavkama Bosne i Hercegovine ( „Službeni glasnik Bosne i Hercegovine“, broj: 39/14), te prijedloga Komisije za javne nabavke, utvrđenog u Zapisniku, broj: 15-05-009170-1/16 od 27.04.2016. godine, ministar za boračka pitanja Tuzlanskog kantona, donosi:

### **ODLUKU**

o poništavanju i ponovnom pokretanju postupku javne nabavke za izradu i postavljanje jedinstvenih spomen obilježja

#### **Član 1.**

Poništava se postupak javne nabavke radova za izradu i postavljanje jedinstvenih spomen obilježja poginulim pripadnicima Oružanih snaga Bosne i Hercegovine u toku rata 1992-1995. godine, pokrenut objavljivanjem Obavještenja o nabavci, broj: 1015-1-3-6-3-8/16 na Portalu javnih nabavki dana, 01.04.2016. godine i „Službenom glasniku Bosne i Hercegovine“, broj: 25/16, iz razloga što nijedna od primljenih ponuda nije prihvatljiva.

#### **Član 2.**

Nalaže se Komisiji za javne nabavke da izvrši ponovno pokretanje postupka javne nabavke za izradu i postavljanje jedinstvenih spomen obilježja.

#### **Član 3.**

Ova Odluka objavit će se na web stranici Ministarstva za boračka pitanja Tuzlanskog kantona.

#### **Član 4.**

Postupak poništavanja i ponovnog pokretanja postupka javne nabavke provest će se shodno odredbama Zakona o javnim nabavkama Bosne i Hercegovine, odnosno Uputstvu o uslovima i načinu objavljivanja obavještenja i dostavljanju izvještaja u postupcima javnih nabavki u informacionom sistemu „E- nabavki“ („Službeni glasnik Bosne i Hercegovine“, broj: 90/14).

#### **Član 5.**

Odluka stupa na snagu danom donošenja.

### **Obrazloženje**

Na osnovu Obavještenja o nabavci, broj: 1015-1-3-6-3-8/16 na Portalu javnih nabavki dana 01.04.2016. godine i „Službenom glasniku Bosne i Hercegovine“, broj: 25/16, proveden je otvoreni postupak prikupljanja ponuda za izradu i postavljanje jedinstvenih spomen obilježja poginulim pripadnicima Oružanih snaga Bosne i Hercegovine u toku rata 1992-

1995. godine. Komisija za javne nabavke je konstatovala da su se prijavila dva ponuđača, i to:

- "RVI 13.mart" d.o.o. za zapošljavanje, obrazovanje i osposobljavanje invalidnih lica, Tuzla i
- "Grbo" d.o.o. Sarajevo.

Uvidom u ponudu "RVI 13. mart" d.o.o. za zapošljavanje, obrazovanje i osposobljavanje invalidnih lica, Tuzla, Komisija konstatuje da je ponuđač priložio cjelokupnu dokumentaciju traženu Tenderskom dokumentacijom, broj: 15/1-05-009170/16 od 01.04.2016. godine (u daljem tekstu: tenderska dokumentacija), ali Nacrt okvirnog sporazuma (Aneks 6), nije popunjen u skladu sa zahtjevom iz tenderske dokumentacije.

Naime, članom 8. stav (1) Nacrta Okvirnog sporazuma, je utvrđeno, citiramo: " (1) Izvođač se obavezuje da će sve radove u cjelosti završiti u roku od dvije godine od potpisivanja ovog okvirnog sporazuma." Ponuđač je prekrizio dio teksta „dvije godine“ i iznad prekrizhenog teksta upisao „5. mjeseci“.

U tački 13. tenderske dokumentacije je navedeno, citiramo: „ Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.“

Komisija smatra da ponuda nije prihvatljiva iz razloga što je ugovorni organ definisao rok trajanja okvirnog sporazuma i isti se ne može mijenjati.

Uvidom u ponudu "Grbo" d.o.o. Sarajevo, Komisija konstatuje da je ponuđač priložio cjelokupnu dokumentaciju traženu tenderskom dokumentacijom, ali Nacrt okvirnog sporazuma (Aneks 6), nije popunjen u skladu sa zahtjevom iz tenderske dokumentacije, niti su listovi parafirani.

Naime, u članu 11. Nacrta okvirnog sporazuma, ponuđač nije naveo period na koji daje garanciju za izvršene radove i kvalitet materijala. U tački 24. tenderske dokumentacije je utvrđeno, da su ponuđači "dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma“.

Komisija smatra da ponuda nije prihvatljiva iz razloga što ponuđač nije naveo rok u kom garantuje za izvedene radove i rok u kom garantuje za urađeni material niti je parafiro listove Nacrta okvirnog sporazuma.

Komisija je predložila ugovornom organu da u skladu sa članom 69. stav (2) tačka d) ZJN BiH donese Odluku o poništavanju postupka nabavke, iz razloga što nije zaprimljena ni jedna prihvatljiva ponuda i da se ponovi postupak nabavke.

Na osnovu prijedloga Komisije za javne nabavke, odlučeno je kao u članu 1. i 2. Odluke.

POUKA O PRAVNOM LIJEKU: Protiv ove Odluke svaki ponuđač može se izjaviti žalba u roku od 10 dana od dana prijema iste u skladu sa članom 101 stav (1) ZJN BiH.

Žalba se podnosi Ministarstvu za boračka pitanja Tuzlanskog kantona, Rudarska 65, Tuzla, shodno dredbama člana 99. ZJN BiH.

**Dostavljeno:**

**1x "RVI 13.mart" d.o.o. Tuzla;**  
**1x "Grbo" d.o.o. Sarajevo**  
**1x a/a.**

**MINISTAR**

**Fahruđin Skopljak, dipl. ecc.**